

Dr M: Ke

arah industri berat

RH 10 AUG 1983

SEOUL, Selasa — Malaysia akan mengutamakan bidang industri dan kejuruteraan dalam Rancangan Malaysia Kelima (RML) bermula tahun 1986, kata Datuk Seri Dr Mahathir Mohamad hari ini.

Perdana Menteri berkata, usaha menekankan bidang itu termasuk menggalakkan pertumbuhan industri berat berasaskan besi dan timah adalah perlu untuk membawa Malaysia ke arah sebuah negara perindustrian menjelang akhir rancangan itu.

Negara kini telah pun memulakan bidang itu seperti menggalakkan pertumbuhan usaha pembuatan dan komponen barang yang lebih sofistikated.

"Kami harap usaha-usaha seperti ini akan terus dikembangkan seperti membuat keluaran barang-barang lengkap dalam Rancangan Malaysia Kelima," katanya dalam satu interviu khas dengan akhbar *The Ko-*

Oleh ZAINUDDIN AYIP

penerimaannya dari berbagai lapisan masyarakat mengenai dasar-dasarnya.

"Malaysia kini berjaya mempertahankan kestabilan politik dan pertumbuhan ekonomi yang menggalakkan. Ini memudahkan negara ini menjadi sebuah negara yang maju dan stabil," jelasnya.

cepat maju, malah lebih maju dari Barat. Adalah tidak salah bagi kita mencontohi negara itu," jelasnya berterus terang.

Beliau berharap, menerusi dasar baru itu, sikap kerajinan rakyat akan dapat dipupuk seperti rajin bekerja, setia pada majikan dan berusaha memajukan diri sendiri.

rea Herald' yang terbit hari ini.

Keyakinan

Interview yang dimuatkan dalam keluaran khas 12 muka itu disiarkan sempena lawatan rasmi seminggu Perdana Menteri.

Perdana Menteri berkata, langkah mewujudkan sebuah negara perindustrian akan menjadi nyata berikutan keyakinanannya terhadap kestabilan politik dan ekonomi di Malaysia.

Datuk Seri Dr Mahathir berkata, kerajaan yang ada sekarang akan terus memerintah negara ini berikutan dengan

Beliau juga menjelaskan sebab-sebab kerajaan melaksanakan dasar Pandang ke Timur, iaitu menjadikan Jepun dan Korea Selatan sebagai contoh untuk diteladani.

Katanya, "jika kita hendak mencontohi seseorang, kita mesti mencontohi mereka yang berjaya. Dulu Barat berjaya dan kita ikut jejak mereka, seperti berdisiplin dan bekerja keras.

"Kini kita dapati Barat sudah berubah. Rakyatnya lebih mementingkan gaji yang tinggi dengan kadar kerja yang sedikit.

"Dalam pada itu kita pula menoleh ke Timur khususnya Jepun. Kita dapati negara itu begitu

Penting

Ketika ditanya sama ada kerajaan akan mengubah dasar-dasarnya berikutan kemelesetan ekonomi dunia sekarang, Perdana Menteri berkata:

"Kami tidak mengubah dasar dan rancangan-rancangan yang telah disusun, kecuali beberapa projek yang terpaksa ditangguhkan. Tetapi penangguhan itu tidak bermakna dibatalkan.

"Malah saya juga telah mengarahkan setiap Kementerian dan jabatan-jabatan kerajaan mengkaji semula projek yang mereka kendalikan supaya sesuatu projek yang penting dan berguna kepada rakyat diutamakan dulu," jelasnya.

Dalam interview itu, Perdana Menteri juga menerangkan usaha kerajaan menerapkan konsep *Bersih, cekap dan amanah* di kalangan rakyat termasuk kakitangan kerajaan.

"Saya harap konsep itu akan mengurangkan kadar rasuah di kalangan kakitangan kerajaan di samping menggalakkan pekerja-pekerja di sektor awam dan swasta bekerja lebih cekap dan rajin," katanya lagi.